

萬

曆

疏

鈔

萬曆疏鈔卷十六

起廢類

孫繼先

錄用建言諸臣以昭聖心疏

孫繼先

及時起用賢臣以光聖治疏

孫維城

建言被廢部臣乞起用以昭聖德疏

姜應麟

正臣遺棄乞及時召用以光聖治疏

顧雲程

忠良久抑乞賜錄用以收真才疏

饒嘉位

摘舉忠直遺賢乞起用以風士節疏

陳邦科

諫臣晚節已完微臣久廢可憫疏

許弘綱

捐舊過錄愚忠以光聖德疏

陳嘉訓

恭繹明詔分別起用之旨疏

楊時喬

開讀疏

沈季文

特舉任事真才以盡抱負疏

高曆疏鈔卷十六

起廢類

乞錄用建言諸臣以昭聖德流

孫繼先

南京四川道御史
萬曆十年十二月

臣惟自古英君誼辟欲建久安長治之功必重直言
敢諫之士非直言關理道事當心意者樂受之卽有
逾耳之言拂心之論亦必委曲優容而不之罪或不
得已而罪之亦必隨加甄錄而未始終于擯棄焉此
非有私若人蓋欲鼓天下敢言之氣開天下忠義之

門固人主自爲社稷計耳前者伏見已故大學士張居正聞有父喪例應回籍守制荷蒙天語叮嚀留輔國家維時翰林院編修吳中行檢討趙用賢刑部員外艾穆主事沈思孝刑部辦事進士鄒元標各建言居正身列大臣宜敦孝行表率羣僚父喪不奔恐犯清議奉旨廷杖有差遣戍爲民夫 皇上英明天縱豈不知諸臣無罪但勉留居正之心甚切以爲不如是則無以慰安其心故居正可留則雖深罪諸臣有所不恤然以理論之 皇上留居正而靳其去者蓋

恐一時無臣君道也諸臣躐居正而使之去者蓋恐

萬世無父子道也

皇上固未始不諒諸臣諸臣亦

未嘗得罪

皇上臣于斯時方待罪邑之固已深推

皇上之心而痛憐諸臣之忠矣若居正有大臣休休
之度葬父回京必念諸臣忠于爲國謀尤忠于爲已

謀白諸

皇上宥其罪而還其職如宋文彥博申薦

唐介以成一代盛美乃非惟不加申救且列名于大

察榜文

皇上知之否耶

臣

不知諸臣何罪乃欲禁

錮終身若此居正之心亦狠而其手亦毒矣此忠臣

義士扼腕不平良非一日近日以來伏見 皇上聞
言卽悟從諫如流納御史李植之言則斥馮保而籍
其家納御史江東之之言則籍徐爵而置之法納御
史楊四知之言則怒居正而追問壞法之事臣益知
向罪諸臣非 皇上本心也臣又聞當居正有喪之
日馮保罪惡已彰彰在人耳目保謂不留居正則已
惡必不可掩不深罪言官則已罪終不可逃故假以
勉留元輔之故導 皇上以制伏言官箝天下之口
便一己之私是陷居正有無父之名者馮保也誤

皇上有屏棄言官之跡者亦馮保也保之罪尚可言
哉今幸罪人既得公道昭明 皇上之心益暴白于
天下後世矣乃前項諸臣猶在禁錮之列不霑雨露
之恩臣知 聖心必有戚然不忍者伏乞 勅下吏
部將吳中行等循資錄用至于以忤觸居正被黜如
南京王釋給事申余懋學以不與送喪被黜如河南
道御史趙應龍以申救言官被黜如河南道御史傅
應禎南京浙江道御史朱鴻謙陝西道御史孟一脈
以參劾居正被黜如吏部員外王用汲等一體准復

原職則陽春不邁陰崖而南澤更霑枯木非惟建言
諸臣感恩圖報天下忠臣義士亦將聞風思奮矣此
正鼓舞人心轉移世道之守大機也臣愚不知避忌
冒瀆天聽惟聖明垂察焉

懇乞聖明及時起用賢臣以光聖治疏

孫繼先

南京四川道御史
萬曆十年十二月

臣惟自古聖帝明王欲圖至治臻上理莫不決于去
小人急于用君子蓋卑卑小人妨我政治去而不決
則雖有君子烏乎行志昭昭君子利我君民用而不
多則正人孤立孰與伏姦此虞舜卽位迸去四凶卽
收用元愷故後世嘉有虞之治而稱帝舜之聖者不
衰恭惟我 皇上秉日月之貞明體乾坤之大德罷
斥工部尚書曾省吾等以清部署之奸逐遠司禮監

太監馮保等以清左右之惡一時大小臣工莫不歡
欣舞蹈舉手加額以爲聖天子英明果斷卽虞帝
之去四凶不是過也臣愚又何言哉臣謂小人之狀
也無盡奸宄之生也不常欲人人而去之未能也欲
事事而發之不廣也故欲制伏小人莫若廣用君子
蓋君子衆多則邪不勝正縱有么麼彼自潛消默奪
不敢逞矣故山有猛獸則狐狸藏形臣有賢臣則奸
邪隱跡此理也亦勢也當此羣奸懾伏之時正世道
清明之會起用賢臣實我國家可少臣訪得原

任南京都察院右都御史魏學會原任戶部左侍郎
胡執禮原任禮部右侍郎王錫爵原任都察院右僉
都御史巡撫保定朱纁原任南京都察院右僉都御
史提督操江張岳原任都察院右僉都御史巡撫遼
東毛綱原任光祿寺卿賈三近原任大常寺卿溫純
原任順天府府尹曹科原任浙江道御史朱光宇原
任驗封司郎中陳有年原任福建按察司僉事趙參
魯以上數臣品格雖殊要皆才德優隆志行高潔持
身不二有謗誇大臣之風秉正不阿有蹇蹇匪躬之

義或宜于密勿而可以共濟大業或宜于部堂而可
以主持國是或宜于拊循而可以康阜蒼生誠海內
之正人士林之君子也比因權奸塞路屏跡山林效
用未終深爲可惜伏乞勅下吏部再加查訪如果臣
言不謬將魏學會等及時起用以克任使則邪者知
其爲邪正者知其爲正天下之至明也在邪慝則斥
而遠之在正人則起而用之天下之至公也將見君
子道長則小人道消皇上垂拱于清穆而鳳曆永
固于磐石矣

建言被廢部臣乞賜起用以昭聖德疏

孫維城

南京湖廣道御史
萬曆十一年正月

臣惟自古帝王之興莫不以容受直言爲務而敢言之臣亦未有禁錮至于終身而不加矜憐者蓋言路通則天下治而敢言者不棄斯欲言者不沮此治亂安危之機而萬古之道也臣待罪南臺接見邸報伏覩聖皇上旣納御史李植等之言而竄逐馮保等奸邪之黨伏聽御史孫繼先之請而起用吳中行等忠直之臣仰見聖皇清明並日月量同天地不惟能惡

而又能愛真仁人絜矩之極而中外人心罔不翕然
稱快矣但御史孫繼先所奏止於考察附名而陛下
下明旨所及亦止於降罰非罪尙有忠憤言事致忤
權奸陷入考察正數人心共忿日望陛下破格起
用者在 聖恩尤有所當廣也臣敢昧死言之查得
萬曆八年五月內南京兵部武選司主事趙世卿一
本爲披瀝愚忠謬陳匡時五要以仰裨 聖治事本
內乞要廣選進之制寬驛遞之禁省大辟之刑緩催
科之令振臺諫之氣稱說援引辭甚懇切奉 聖旨

該衙門知道。陛下豈有深罪世卿之心乎。但世卿本內所稱放還。傅應禎鄒元標等事大於已。故大學士張居正不便故難。陛下容之。而居正則甚怒之矣。計念世卿不處。則後來欲言者終無懲創。故曾不數日。卽默諭吏部。陞世卿爲楚府長史。夫王府官僚禁絕。遷轉凡陞王府者。皆不堪任事者也。世卿爲推官。有才望。擢爲主事。則有何未勝任。而乃以王官劣處之。以爲不如是。不足以抑世卿。陛下之王府而終其身無復遷轉之路矣。然猶王官也。南京吏部尚書

何寬希圖受知居正順承風旨京官大察遂將世卿定擬不謹閑住夫考察黜退永不叙用凡稱不謹者皆不惜名檢者也世卿居官素稱清謹則有何不自檢者而乃以不謹重處之以爲不如是不足以錮世卿一置之考察而終其身無復叙用之除矣君門萬里孤忠無訴世卿亦可悲矣若編修吳中行等雖附考察之末猶有起用之例以因言降罰之迹常存也惟世卿陞則王官去則考察陽泯其降罰之迹而陰置之必不得起之例則世卿雖有尺寸之長忠君愛

國之念亦其心枯朽焉耳將何緣一致 陛下而

陛下亦何緣得知其屈此居正用術之巧而天下人心之所爲至今切齒也今世卿之疏固在也世卿言選進之制當廣而陛下增進學之額矣世卿言大辟之刑當省而陛下垂矜疑之仁矣世卿言催科之令當緩而陛下布蠲恤之惠矣世卿言臺諫之氣當振而陛下施起用之恩矣至於寬禁驛遞近日科臣疏請陛下亦下公卿議矣是世卿之言未必謬妄而陛下于世卿之言亦未嘗不行但以受

居正忌嫉遂使飲恨沒齒展布無時故天下從此益不敢復言傳應禎等諸臣之事矣豈惟不敢言諸臣之事卽事所當言而非居正所欲聞者多有疑豫退縮而終不敢喘一息焉誠戒世卿之因言受禍而重畏居正之陰險難測也幸今陛下聖明奸狀莫逃使昔日降罰之臣皆得復見天日獨世卿以考察數內弗獲錄用臣恐箝制之謀未盡破忠直之氣未盡伸而陛下日月之明亦尙有遺照也且考察黜退例不再叙者正以天下公議之所會也今世卿之黜

果公議所在乎不出公議而出私惡則世卿之黜非
朝廷黜之也居正黜之也居正以私黜之而朝廷以
公復之乃所以爲善用考察之權也國家之與豈宜
任居正假之爲妨賢之具而一付之無可奈何而已
哉故臣愚以爲世卿之忠直所當原而考察之例不
必拘也伏乞皇上勅下吏部查議如世卿果有不
職之狀臣當甘受欺罔之罪卽與世卿同其罷斥如
世卿別無不職止以建言一事不合居正致陷考察
亦當憐其無辜與編修吳中行等一體起用併將何

寬追處以爲考察不公之戒仍勅南北吏部都察院
今後考察百官務要秉公持正無復阿勢蔽賢如寬
其考察去任官員非係建言被屈如世卿者亦勿得
援以爲例庶幾天下忠直之氣獲伸而國家考察之
典亦清矣臣又聞侍讀趙志臯張位皆以欲疏勸居
正終喪致拂其意未幾趙志臯陞廣東副使隨以不
及考察降補解州同知張位陞南京司業隨以浮濫
考察降補徐州同知經筵啓沃之賢任簿書奔走之
役天下皆痛惜之此二臣者雖事體與世卿不同亦

當與世卿同復原職者也如此則 聖恩廣被聖德
光昭不惟世卿等心懷感激益效捐糜而臣工兢勸
弼成至治於無疆者端在於此惟 皇上宥察幸甚

世道肅清正臣遺棄乞及時召用以光聖治疏

姜應麟

戶科給事中
萬曆十三年十二月

臣竊惟世有正臣匪徒篤志好修自潔其身已也特
立之休風已足以激揚士類使國家之直氣常伸而
養盛之微猷又足以弘濟時艱使國家之景運常洽
所謂在朝廷則朝廷重在方岳則方岳重誠不可一
日不在位也伏覩近集省臺諸臣將廢棄人才交章
薦舉欽奉俞旨次第錄用一時正人登進朝寧改觀
風采大振臣有以知陛下此舉實宗社靈長之慶

也乃其間猶有遺逸未及推用者夫人臣之罪莫大

於蔽賢臣知而不以聞臣罪何追臣得之見聞最真

盖有四人焉原任行太僕寺卿顏鯨操修粹白而一

言一動悉以道義爲準繩造詣淵深而有守有爲直

以理學爲經濟若其觀風河洛不庇政府之私人視

學湖湘不以鄉賈私銓部之父此固屢起屢蹶之由

而始終屹然一節也原任南京大理寺寺丞今養病

傅應禎才諳渾成令江南風多遺愛性資耿介擢臺

史卓有風裁謫戍六年流離自若起官數月高齡猶

堅此則魂抱清標士林景慕而用之未竟厥施者也
原任南京太僕寺寺丞今養病蔡悉天資冲粹問學
精純以執法而左遷澹然於宦况世味之外以戀親
而歸養猶然有愛君憂國之誠迄今表正鄉邦評者
謂江北諸郡無爾胡可不移其孝以爲忠也原任湖
廣布政司叅議李盛春中多蘊藉事有執持居諫職
則侃侃正言因關白之不通而甘心外補任叅藩則
孜孜宣力忿時論之不合而抗志乞休卽其養晦林
泉若將爲終身計而壯猷未究則無論識與不識又

罔不共惜之矣以上四臣皆世所謂正人君子也其中
有經科道共推者有經撫按公舉者奈何薦剡交
騰明揚未及臣竊有槩於中夫臣子患不逢時今

聖明在上求賢若渴從諫如流真千載之奇邁而諸

臣不使之展采錯事以爲邦家之光是萬邦咸寧猶
不免遺賢之嘆臣固爲諸臣惜時惜其逢明主而不

能自効也臣子患不及年臣觀諸臣展布未能一二

而廢棄有至十年以上者說者曰俟河之清人壽幾

何今河清矣更復何俟臣又爲諸臣惜年惜其以茂

齒而供丘壑之娛也天下未嘗無才特患不得正人
之才而用之其人正矣又患不得其生平之守而信
之今諸臣在官可謂能自立矣在田間可謂能自守
矣伏觀憲綱中所謂山林隱逸懷才抱義之士正
此其選而未嘗求之可謂下無其人乎臣又爲廟堂
惜才也抑猶竊有說焉國家令甲凡以大計罷官
者終其身不復敘用然此謂大計之至公者言之耳
顏鯨之不免於大計當何罪焉祇緣在事者以私憾
斥鯨恐鯨復用故擠之大計之中此海內所共憤也

臣不暇遠引卽如近時洗馬趙用賢等何嘗不以大計除名 皇上旋復召用則旣已行之矣奈何獨斬於鯨而尚錮忠直之臣於聖世也伏望勅下吏部備查前後章疏再加咨度如果 臣言有據輿論僉同卽覆議上請將四臣隨才授任庶羣賢彙征衆績咸叙而所禱於 聖治非淺歎矣

忠良久抑公論已彰乞賜錄用以收真才疏

顧雲程

雲南道監察御史
萬曆十三年十二月

臣惟才難之嘆自古記之然有才矣而或遇非其時
才者之困阨固宜惟 聖君在上抑陰扶陽君子方

道長而野有遺賢此志士之所以扼腕 臣之不能已

於言也敢畢其愚昔張居正柄國恣睢爲桀刻核爲
厲且伐異而黨同儉時號爲耿介拔俗者貶竄幾盡
天祚社稷居正身殞 臣陛下加納羣言亟反其苛政
錄用其斥逐之人當是之時凡懷六奇抱一得無罪

而爲權奸所魚肉者孰不欲仰見天日卽陛下亦豈不欲忠良之畢收也然用而未竟如吳中行艾穆傅應禎者所以憂歸去疾歸陛下已知其人且待時而用之臣不敢贅矣薦而未起爲當世最屬望者臣舉三人焉原任陝西行太僕寺少卿顏鯨廣東提舉司提舉管志道福建僉事甘雨是已顏鯨以大行爲侍御密疏伊王罪狀寘之法有直聲第以事忤高拱拱恨之後論朱成國公落職爲典史累遷至湖廣學憲又以事忤張居正居正後恨之故汰鯨所選

貢生卷復降鯨職徐遷至太僕大計時高拱以相國
秉銓竟以宿憾罷鯨官夫鯨之高標勁節練才邃養
天下所知也今立朝端足以振頽靡而起頑懦願可
棄之勿用乎故臺臣王國等特爲薦揚所當起者一
也張居正不奔喪時吳中行趙用賢沈思孝艾穆鄒
元標等抗疏於廷居正矯旨杖之幾死管志道與沈
懋學周弘禴私以大義諷居正令速歸居正恨之志
道又疏陳九事語侵閣臣居正又恨之遂出爲廣東
僉事志道竊謂僉事係風紀官故按憲綱復條陳一

疏與按臣較禮節謂之不能逢時則可然其論則國紀也乃御史龔懋賢係張居正黨遂希居正指論列之黜爲廣東提舉志道遂乞歸里時蓋萬曆七年八月也 陛下下其疏於吏部部臣王國光復希居正指遲半載不爲覆至次年大計以疾去其官夫提舉旣未之任安得與考察此理之難通者也且志道之學伊洛之學也其才賈董之才也年甫逾壯不以此時竟其施設而使老於林壑如天生豪傑之意何況所陳九事如邊務省試等 陛下次第用其言矣胡

可棄其人也故臺臣毛在等特爲薦揚所當起者二也甘雨才能文章選爲庶吉士平居與鄒元標相友善又以節槩相期許元標廷杖時居正實欲死之密令兵番及家僕變衣裳伺諸縉紳之陰護者以故縉紳中雖親故輒異懦不敢前雨奮然忘軀悉力與元標周旋元標之不死甘雨力也居正緣是恨之出爲福建僉事雨度居正不容遂上書固請致其事以歸夫雨由詞苑而臺由臺而外補亦良苦矣年未壯而淪棄於聖明之朝何也且雨以元標故而去官元

標廢而復起而雨卒於廢卽元標何以自安也故臺
臣韓國禎等特爲薦揚所當起者三也然造甘雨於
休沐人或易之若顏鯨管志道人雖耳目其賢不無
以考察朝廷之公典非臣子可得而私者也然京官
五年外官三年考察之期有常而司考察之柄其人
賢不肖靡定相賢耶豕宰賢邪則考察一付之僉議
而已不與矣苟非其人考察者不過排擯異己而
已驅逐善類而已可據之以爲的乎令說者徒云考
察例不可開闕則恐覬覦者衆噫此懲噎廢食之見

也就事理言考察而公也當恪爲遵守以寒倖進之
門考察而私也當亟爲釐正以伸忠直之氣況昔權
臣挾私心以壞考察之法今陛下採公論以清考
察之弊昔權臣欺蔽陛下借考察以毒害忠良今
陛下彰國是以摘發權臣之奸此大聖人之作爲中
外所稱服犬亦臣下所欽承奚爲而不可也且陛下
垂辟吳忠行趙用賢於編戶擢沈思孝艾穆鄒元標
於行伍他如魏時亮趙世卿等皆拔之丘園而置之
朝廷夫孰非考察中人耶何不推廣其德意而兼收

鯨與志道也

陛下如以

臣

言不謬乞勅下吏部將

顏鯨管志道與其雨及時而用度材而任則朝廷有

得人之慶而

聖治日益光矣且計吏伊邇

陛下

適錄真才於考察之中則爲銓部者必憚陛下威

靈必兼至精至公以黜陟天下士必不使邪佞倖免

而忠良受禍所補世道豈淺鮮也

臣

待罪言責凡賢

才當舉不肖當絀者

臣

皆得而言之故披

膽繕陳

於君父之前惟

聖明省察

摘舉忠直遺賢乞及時起用以風士節疏

饒位

河南道監察御史
萬曆十二年十二月

臣惟聖神御宇則野無遺賢直道奮庸則朝無淫比
用舍之際關乎世道士風莖末澌也自張居正柄權
竄逐正士賴曰皇上英斷悉召而還悉以時魁拔岩
穴幾虛無久陳列而彈冠者不啻蒸蒸盛矣以臣所
計則猶有起用未竟若南京大理寺寺丞僕應禎有
經薦未用若陝西行太僕寺少卿顏鯨廣東提舉司
提舉管志道者皆孤忠抗直士也臣於三臣均之未

觀厥容貌然想慕其風節竊心壯之仰之間嘗屈指
聖明在宥賢碩登途至玉稱遺珠棄璧則豈臣其表表
焉值茲明時何可令之秀槃而適向偶而悲也請爲
陛下陳其槩夫傳應禎忤權杖成萬死一生太節岬
曝灼人耳目已蒙陛下拔自行伍還以原秩且叙
遷之矣其旋起旋廢不曰以疾告乎願念應禎遠戍
遐荒染瘴致疾責以奔走承趨若未便焉脫令圖事
而揆策何妨宣力而効忠今聞其疾且就愈而猶然
棄之使其鑊投荒之臣反不如全軀苟祿之夫可以

悠悠崇顯林壑自老禎誠安之而陛下制御人羣
曷以風勵有位哉臣謂此一臣者所當及時超擢以
伸直節者也顏鯨之在中臺彈紕不避權貴風裁凜
焉持斧中州以不從高拱指授拂其心出而督學楚
中以不從居正私囑忤其意且王篆方爲權門始張
牙距以其父入鄉賢爲請鯨秉正嚴拒篆又心銜之
屢譴屢遷百折不回辛未考察高拱以執政理銓衡
居正居中用事篆爲吏部曹郎卒謀以考察罷其官
矣今其家徒四壁潛心實踐矚然勢利不滓其心固

篤行大雅君子也今之得時而駕所稱廉頑立懦斯
人有焉管志道學足經時志希古道居正不奔父喪
諫者伏質吳中行趙用賢杖而編氓矣沈思孝艾穆
鄒元標杖而編伍矣志道時陰有所規諷以觸權恨
已而條陳一疏語侵居正卒以基禍考察去官今隨
俗習非之士多訾其持論不諧於衆不知其意在匡
時欲還 祖宗舊制非泥古不通侈言無當也籍第
令其言得試不亦斌斌乎先朝盛事耶奈何并人與
言俱廢之也當風會波靡之時而有臣若此儻所云

季葉之孤標中流之砥柱非耶願此二臣者均係先
年考察之數秉銓者卽議起用輒復難之固謂考察
之永不叙用令典也然令典何爲而不可撓哉至公
也乃二臣之見斥私而非公也行道之人知之矣
陛下試採在廷清議以爲何如耶此而不爲昭雪將
考察之典權奸得以行其私而清時不得以明其公
非所以爲勸懲也故錄二臣則適以昭計典之公而
不破例則祇全害正之路此外自匪權門私害出於
清議所棄者則明明國憲孰敢援此以爲例焉查得

先任通政魏時亮光祿寺少卿趙世卿皆以忤權考
察荷蒙 陛下錄用今顏鯨管志道與二臣事體大
畧相同謂宜破格叙用以昭公道者也嗟嗟居正之
時何時也排擯忠良沮抑士氣稍不順已輒加摧殘
或明挾主權以彰屠戮之威或陰假公道以肆禁錮
之術株蔓鉗結密於網羅當時抱忠守正之士被其
螫毒波及者猶未可一二數也舉臣所知則如致仕
福建按察司僉事甘雨者夫非與鄒元標意氣相許
哉彼其歷官不滿三禩行年未及疆仕曷爲甘棄名

位而願從休致即當鄒元標之被杖也雨實抗身周旋不避其難業也重干時嫉矣一時元標知交陰有中傷未幾而出雨於外時事不偶可知也雨由是致仕去斯之避權知幾掛冠若屣亦人所難矣矧其壯志清才用世方始而終令淪棄臣竊惜之斯一臣者亦當遇缺推用以盡其才者也其他抱才被抑如雨之類有所未及知者當必有舉臣所未舉者矣抑臣於此有深惟焉夫世之污隆係人才之邪正居正在事儉王得志正直杜口士風靡也極矣比年以來用

賢逆奸如茅斯拔如距斯脫不庶幾哉化枉爲直之日乎而人心不古世道漸頽大都尚和同而鄙狷介貴取容而賤直節重緘默而諱蹇諤此而不立防以迴其瀾樹標以命之趨竊恐波流茅靡雖有蘭芷化爲蕭艾士習將日非矣故用傳應禎則徇義捐軀之士矯翼而思奮用顏鯨則耿介持正之士秉道而揔忠用管志道則力學追古之士懷奇而振俗而又採用甘雨葦使壯年負才之士感激思奮以見於世未必非鼓舞人心之一機也臣又聞之盛節入朝者不

以私汙義砥礪名號者不以利傷行大節不可奪也
語有之山有猛獸則藜藿不採朝有直臣則奸宄不
生言士節不可不勉勵也故論人之品先須觀其節
而仗節死義之臣每於犯顏敢諫中求之誠重之耳
彼抗節敢言不幸爲權奸所箠擊魚肉者明如傅應
禎陰如顏鯨管志道豈少哉臣誠願陛下加矜而
委任之在朝者俾得安意殫忠在告者尤宜及時召
用更祈陛下釋投杼之疑旌折檻之憇廣開衆正
之路兼收觸諱之臣俾之同心一德勿相疑軋若水

火鹽梅相濟以成師師濟濟實太平之基也臣於諸

臣素非交識何所私比願惟待罪言路鴛怯不法惟是薦賢爲國臣之分也心知賢而不舉命之曰蔽舉而有所觀望規避命之曰欺臣不敢也用是披衷冒瀆宸嚴如蒙 聖明俯賜採納勅下吏部酌議施行使天下萬世仰誦聖天子在上賢宰執在下不避嫌怨不計私毀要以容賢宥直弼成正大乎明之治願不休哉易井渫不食爲我心惻可用汲王明竝受其福惟 陛下垂神眷察焉

直臣晚節已完微臣久廢可憫疏

陳邦科

南京湖廣道御史
萬曆十六年二月

臣惟人臣甘心苦節務爲刻意皦皦之行必守之克終而後其品始定人臣羽翼善類務爲排衆矯矯之論必所舉之人克終而後其說匪私故舉人者與舉於人者其道相成而失舉則罰得舉則賞其賞罰亦不宜相背也若原任南京都察院右都御史今故海瑞者才雖歉於通方志自許於亢直折檻先朝慷慨就獄開府吳郡任怨鋤強操百折而不同行三黜而

愈勵 皇上登進忠良蒐羅遺棄乃起瑞于海濱荐
躋卿座瑞受命不辭間關赴召任留都以來念念惟
節愛是務及以病乞休至再而 皇上重其直節亦
勉留至再瑞又受命不辭鞠躬盡瘁病故之日篋笥
蕭然薪俸之外更無長物該禮部題請卹典奉 聖
旨准照例與祭葬還與他謚欽此是瑞以直節事
皇上始終不渝而 皇上以恩禮遇瑞亦始終無替
君臣之間可謂兩全天下萬世頌盛美矣獨往年保
留瑞三進士彭遵古顧允成諸壽賢以出位狂瀆蒙

皇上視職至余尙未收錄臣不能無借焉夫瑞之經
經固泥狹隘而不通大體病則有之至其赤心寒素
之守矢諸天日歿身不移亦出於所性非有要飾而
然也往時言者病矯枉之過當而律以中庸遂不覺
疵詆之太甚三臣懼瑕指之掩瑜而力於拯護遂不
覺出位之爲非是其言雖非分心則無他也皇上
謂少年新進之士輒喜於緩頰而輕於越俎不可爲
訓故暫示削黜俾知懲創將練其才而用之必非欲
終棄之也願自視職以來二年於茲矣其摩厲頓挫

亦已久矣所保留之臣已蓋棺論定矣而三臣者猶
然伏跡草莽未沾嘘拂數十年窮經致用不獲一日
膺官使而圖報稱其痛心愧悔將若之何而皇上
亦培養登進之謂何且世俗建言者容有假昌言以
飾垢類而三臣通籍未幾何宿垢之可飾容有好異
議以博名高而三臣策名未久豈鈞譽之爲營容有
附權津以希捷徑而海瑞孤耿寡交非泰山之可倚
三臣冒然嘵嘵不過一時意見所激非有可錮之罪
乞皇上亮其悃宥其狂瀆勅下吏部及時錄用

則三臣更過長識。感恩圖奮。歛其少年之鋒鏑。而出以老成之訥謨。元其敢言之意氣。而發於君國之要機。未必無涓埃之補也。且皇上聖明汪度。因優瑞之直節。而并宥三臣。海內臣工亦因皇上錄用三臣而爭慕瑞之直節。其有裨世道人心尤不淺矣。臣於三臣素若風馬牛之不相及。特仰體皇上不欲終棄之心。爲國家人未惜耳。抑臣猶有獻焉。三臣之以言蒙斥也。其心固可諒。罪固可原矣。而大抵進言者非有他腸也。夫臣爲國建自身之不恤於名何

愛迂徑求捷何如循途美勝其垢飾之何害

臣願

皇上自今聽納惟酌其言之當事機與否不必問其人更逆其心也卽萬萬有一如假建言以飾垢沽名競捷者皇上試聽其言可用則用之不可用則優而容之其官箴在吏議其人品在清評不可逃也何必罪謫之扼其進而進愈驟損彼名而名益高乎夫千人之諾諾聽之適意常足以滋壅蔽而蠹清明之治一夫之矯矯問之逆耳常足以備箴警而贊明良之休臣故曰言者皆有可諒之心無可劄之罪也伏

乞 皇上并勅部院備查以言廢棄諸臣一體酌量
召用此又二帝三王之盛節祈天永命之基本也惟
聖明留意焉

懇乞聖明捐省過錄愚忠以光聖德疏

許弘綱

刑科給事中

萬曆十六年二月

原
待罪該科看詳章奏項該吏部題覆將進士彭遵古顧光成諸壽賢酌量選用奉 聖旨彭遵古等未曾授官遽輕率言事故特處示懲不准選用欽此又該吏部題爲缺官事擬將兩淮運判黃道瞻陞南京戶部浙江司主事奉 聖旨不准陞欽此夫進士三小臣運判一閑局耳其用與否豈遽能爲天下重輕而獨以曩者建言之故啓 聖心觸忤之嫌則聽言

用人關係匪細

臣

叨言責寧忍默然

臣

聞世之治也

朝廷無不可言之事天下無不可言之人是以善集而不遺事行而不悖故其詩曰先民有言詢於芻蕘其敝也國耻煩言官憂速戾依阿澗恣莫適盡規故其詩曰哀哉不能言匪舌是出維躬是率竒矣能言巧言如流俾躬處休盖上下古今而理亂興衰之由可考已然狂夫之言豈能一一皆當批鱗之下豈能事事兼容所幸聖人無棄物王者重絕人朝而遠之以折其矯激不平之氣暮而收之以畢其忠君愛國

之悅則刻印銷印總無成心雨露雷霆罔非德澤此
唐虞三代之成規而 聖祖神宗之家法也 陛下
御極於茲十六年矣惟是敬天勤民求賢納諫之美
史不勝書而一時鴻公鉅卿起自田間拔於行伍者
比比皆是羣臣遭際 聖明自云千載一遇食芹曝
背競獻其愚皇恤所爲忌諱故海瑞以直節蒙謗則
遵古等三進士抗疏爭之王民社等兩小民以 聖
怒永戍則道瞻抗疏救之夫四臣職守原非諫官發
言盈廷均之出位 陛下一黜之一降之懲輕率而

防濫觴是或一道也然海瑞儻在

聖心廷論翕然

左袒遵古等所言要之羽翼乎國是

陛下之理寃

察獄不啻三令五申矣一夫向隅滿堂動色道瞻待
罪刑曹執奏未爲越俎較諸狂悖當自殊科且今之
致疑於建言者不曰掩飾則曰速化遵古等釋褐未
逾時也寧有宿愆而求蓋道瞻固以給事中請官謫
而蒙召用者卽默默自全或亦致身還顯何須三黜
乃見其高故四臣之言未必無可採四臣之心未必
無可原臣願陛下之熟察之也今損斥二年創懲

已久量移序進部議僉同卽乘此動心忍性之餘開
其改轍自新之路誰曰不可而 陛下獨忍於終絕
之也亦足悲矣夫抵天下之事以盛怒臨之則惡而
忘美以平心處之則瑕不掩瑜卽如海瑞者 陛下
之所謂直臣也皇祖之所爲纍囚也此亦足以觀矣
且帝王擇言擇其言之是非耳寧問其出於誰何氏
之口如以進士不當言也則部屬而建言者 陛下
嘗用之矣以部屬不當言也則部屬而建言者 陛
下又嘗用之矣要之市駿骨而良馬至揖怒蛙而猛

士來惟諸人得正言而無誅臺諫始危言而不諱耳
不然片言忤旨廢錮終身赫赫天威何難結舌欲畢
智盡忠而酬臣陛下道無繇矣臣非惜此區區四臣
惜夫朝廷之舉動有所不可耳伏乞斷自宸衷俯從
部議將彭遵古等准其叙用黃道瞻准其陞遷其餘
罪廢諸臣併勅該部酌量心術才品一體陞用一以
昭聖人無我之度一以作天下敢諫之風臣不勝願
望抑臣猶有說焉臣陛下之重懲出位惡夫浮薄者
之取名也然天下之情譬若止水激之則躍疏之則

平與其壅遏而助其瀾孰若周流以殺其勢何者直諫天下之美名也諫臣之抑鬱天下所共憫也故

聖怒愈甚則罪譴愈深則起用愈驟是惟無意於取名則已耳如有意於取名也 陛下之天威毋亦以

防之之術啓之乎試使 陛下之聽言也不以人廢可者報不可者報罷含垢納汙無督過焉 陛下

之用人也不以言舉有言責者陳詞有官守者試事循名責實無浮慕焉則朝廷原不諱危言誰能借建言以矯飾行險不可以僥倖誰能其意蹶以圖伸忠

謙畢陳浮競自息橫議自消蕩平正直之風俊偉光
明之業端不外是惟 陛下加之意而已

恭繹明詔分別起用之旨以候聖斷舉行疏

陳嘉訓

南京吏科給事中
萬曆三十六年三月

臣於萬曆三十四年正月十三日接到詔書內一款
內外文職官有養病致仕及降謫罷閑等項除考察
去任及永不叙用外其年力未衰才識可用曾經科
道及撫按官舉薦者吏部查奏分別起用註誤拘逮
者釋放爲民爲民者與冠帶閑住冠帶閑住者與致
仕欽此一時諸臣舉手加額蓋不啻漢詔之下山東
唐諭之及河北矣 皇上獨稟全知恢弘天度旣爲

國家惜真才始而予袂尋議賜環使大小畢盡其用而猶爲國家明公道真是者進真非者退不使賢不

肖得滄其實雖古堯舜明目達聰何以加焉

臣

至愚

極陋亦知仰承德意歡欣鼓舞旣願奉 皇上錄用

諸臣之意力贊其成而又謹體 皇上分別是非之

心務辨其實大抵諸臣之廢棄者非一人矣熟察才

品累有數端其間固有志存清獻疏植綱常指事陳

辭議闢宗社卓然天壤俱存者及奉身而退居勤砥

礪不爲建白懈其躬修動成模範能以學問融其氣

節此人品之最高熙朝之瑚璉衣帛之責首所宜加
其次則居官耻於詭隨遇事輒爲慷慨一鳴既斥二
黜無尤巖居絕竿牘之私陋巷高汝南之旦雖學同
涵養未可盡知亦可謂士之立節者矣又其次或以
一事之忤而藉列編氓偶因同曹之處而久辭簪笏
無處無譽才有同於括囊不協不惟志愈堅於衡因
此又士之寡過者才品各殊爲善類兼牧竝舉投劾
必多惟是一等險躁之士懼穢迹之昭著而假論列
以蓋其前愆思虛譽之已收而遂縱恣以踰其行檢

信而不察反淆知人之明引以同升必爲正人之蠹
此則所當甄別而不容以濫舉者臣願皇上勅下
吏部於降謫罷閑諸臣明開某以何年去官某以何
事註誤平昔居官若何近日操行若何必其人品心
術純粹無疵名實聲施洞然宇內者明與天下共推
之列名上請取自聖裁國家既有真才之用諸臣
亦無遺佚之歎遐陬輿溥曠然盛典之欣逢天下見
聖天子與雨露同其潤權衡簡拔炯然離照之不爽
天下見聖天子與日月同其明所謂令譽不歸于言

者而歸于 皇上之一身顯名厚實寧有既耶 臣嘗
憶曩昔冊立一詔亦首以起用爲言歲月幾何弓旌
遲及寰內外猶莫不引領跂足以需成命蓋至于今
日而天眷彌厚國慶屢臻 皇上順天命以隆周禎
諸臣際昌辰而離幽滯斯不獨千載一時而太平基
本實肇于此 臣不勝企望待 命之至

開讀疏

楊時喬

吏部左侍郎
萬曆三十四年

萬曆三十三年十二月十五日詔書一款內開一內
外文職官有養病致仕及降謫罷閑等項除考察去
任及永不叙用外其餘年力未衰才識可用曾經科
道及撫按官舉薦者吏部查奏分別起用註誤拘遼
者釋放爲民爲民者與冠帶閑住冠帶閑住者與致
仕欽此又萬曆三十四年二月十八日詔書一款內
開一文職官員降謫罷閑等項可用之才已詔吏部

查奏分別起用其有註誤觸犯懲創已久操行清修才猷卓絕衆所共推確裨實用不可以一眚終棄者該部院公同精加品題酌量奏起但毋得因而朦朧徇情冒濫以孤盛典欽此欽遵案查萬曆十二等年本部屢疏題請錄用廢棄至三十四年二月于邸報內接得內閣大學士沈一貫朱賡揭帖爲聖政聿新需人爲急乞勅該部及九卿科道公舉海內佚賢以備錄用以協贊太平景運事欲要懇請聖明勅下該部及九卿科道各舉所知先年放逐諸臣偶觸註誤

困衡已深不妨從公舉一體叙錄以昭王道蕩平
無作妖惡一節本部會同都察院將兩次詔書再三
藉誦恭繹明旨看得養病致仕降謫罷閑曾舉薦者
已奉前詔查奏分別起用而今次詔書欲于前詔起
用外精加品題酌量奏起且有註誤觸犯懲創已久
之旨深惟德意正指前詔內註誤以下拘違爲民各
官仰見 皇上用賢圖治曠然更始嘉納閣疏責成
部院唯是宥過愈寬遴才愈慎非至公不能得真才
非至當無以光盛典故令部院公同精加品題酌量

奏起天地之度舉措無非至仁日月之明賢愚莫不畢照自此翕受敷施以臻上理億萬年無疆之慶端在是矣本部以用人爲職數年以來日夜皇皇唯恐不能進賢以虛職業今蒙 皇上沛然明詔開矜宥之門闢登庸之路教之以稽衆要之以責實諸臣得效其忠部院得惠其職千載一時何忍自負查得各官自萬曆十二年爲始經今二十四年沈淪已久委難周知雖行該司案查所可知者不過建白之章疏降黜之等級臺省之奏牘撫按之薦剡至于操行清

修才猷卓絕一人之耳目未必遽真一事之品題未必遽確卽輔臣留意賢才不爲不久終不以盈尺之幅爲據而必責成于該部公同于九卿科道況于本部最稱寡昧自非矢公矢慎廣詢博訪而區區以一耳一目從事掛漏非所以廓 皇上容賢之度泛舉非所以彰 皇上知人之明何以稱明詔宣德意哉除行該司一面將前詔內養病等項查明履歷遇缺起用外其註誤觸犯各官遵照今次詔書開列訪冊務要博採公評詳加甄別操行清修者必稽其生平

之素才猷卓絕者必求其行事之實中間或端亮可
以匡時或骨鯁可以任事或偉畧可以典修攘之任
或精識可以膺繁劇之司逐名逐款分別開報以憑
起用其年力衰邁志意頽放雖無可棄難以向用者
不妨從實開註至于假公濟私沽名要譽一節勉強
而中藏不無可疑一時虛聲而生平難以盡概者不
得混舉以干朦朧徇情冒濫之旨總之爲國家求人
非爲諸人求用以天下之公成天下之典則輿論昭
明羣賢彙進上報明主下福蒼生而本部亦藉此

釋遺賢之慮免竊位之議矣

註誤觸犯官一百十員

范儁

江西人湖廣道御史十二年正月爲民

盧洪春

浙江人雁門祠祭司主事十四年十月廷杖爲民

李沂

湖廣人吏科給事中十六年十二月廷杖爲民

領于仁

陝西人大理寺左評事十八年正月爲民

李瑄

江西人福建僉事十九年七月爲民

羅大紘

江西人禮科給事中十九年九月爲民

黃正賓

南直人武英殿中書房辦事光祿寺大官署丞十九年九月打問爲民

鍾羽正

山東人吏科都給事中二十年正月爲民

孟養浩

湖廣人戶科左給事中二十年正月廷杖爲民

張棟

南直人兵科都給事中二十年正月爲民

丁懋遜

山東人戶科都給事中二十年正月爲民

葉初春

南直人禮科左給事中二十年正月爲民

吳之佳

南直人刑科都給事中二十年正月爲民

楊其休

山東人工科都給事中二十年正月爲民

鄒德泳

江西人雲南道試御史二十年正月爲民

錢一本

南直人福建道御史二十年正月爲民

唐世堯

廣西人吏部文選司主事二十年正月爲

陳遶璋

四川人吏部文選司主事二十年正月爲

姜鏡

浙江人禮部精膳司郎中陞江西贛州府

王學會

廣東人九龍寺寺丞二十一年二月爲民

趙南星

北直人吏部考功司郎中二十一年三月

虞淳熙

浙江人吏部稽勳司員外郎養病二十一年

楊于庭

南直太兵部職方司郎中養病二十一年

袁黃

浙江人兵部職方司主事二十一年三月

項復弘

浙江人吏部文選司員外郎二十一年十

姜仲軾

山東人
為民

吏部文選司主事二十一年十月

孫繼有

浙江人
南京刑部
廣東司
主事
二十一年
二月為民

刑部廣東司主事二十一年

譚一召

江西人
南京刑部
廣西司
郎中
二十一年
十一月為民

刑部廣西司郎中二十一年

安希范

南直人
南京吏部
驗封司
主事
二十一年
十二月為民

吏部驗封司主事二十一年

張貞觀

南直人
禮部
都給事中
二十二年
二月為民

禮部都給事中二十二年二月為

顧憲成

南直人
吏部文選司
郎中
二十二年
五月為民

吏部文選司郎中二十二年五月

冀體

河南人
福建道
御史
二十二年
九月為民

福建道御史二十二年九月為民

郭實

北直人
刑部
山西司
主事
二十二年
九月為民

刑部山西司主事二十二年九月

彭應參

河南人
廣西道
御史
二十二年
十月為民

廣西道御史二十二年十月拿問

喬

胤

河南人戶科都給事中二十二年十二月

任彥藥

山東人南京戶科給事中二十二年十二月

蔣時馨

福建人使部文選司郎中二十二年七月

區大倫

廣東人雲南道御史二十三年十二月為

張同德

河南人工科右給事中二十三年十二月

鄒廷彥

四川人戶科右給事中二十四年正月有

黎道炤

江西人禮科右給事中

孫羽侯

湖廣人刑科右給事中

黃運泰

河南人戶科給事中

毛一公

浙江人工科給事中

李宗延

河南人浙江道御史

顧際明

浙江人河南道御史

袁可立

河南人山西道御史

綦才

山東人四川道御史

吳禮嘉

浙江人廣東道御史

王有功

南直人廣西道御史

李本固

河南人雲南道御史

伍文煥

四川人南京戶科給事中

贊必興

河南人南京禮科給事中

盧大中

北直人南京兵科給事中

柳佐

山東人南京浙江道御史

聶應科

江西人河南道御史

李文熙

北直人南京山東道御史以上俱有勾丁
均都着爲民

王佐

湖廣人吏科右給事中二十四年五月爲
民

蔡宗明

浙江人禮部儀制司郎中二十四年五月
爲民

周嘉賓

四川人禮部儀制司員外郎二十四年五
月爲民

王宗秦

湖廣人禮部儀制司主事二十四年五月
爲民

徐文斗

江西人禮部司務二十四年五月爲民

夏思

南直人禮部司務二十四年五月爲民

樂元聲

浙江人工部都水司郎中二十四年五月爲民

朱長春

浙江人刑部陝西司主事起復候補二十四年五月爲民

白所知

山西人吏部文選司郎中二十六年二月爲民

錢養廉

浙江人吏部驗封司員外郎二十六年四月爲民

穆深

山東人吏部稽勲司員外郎二十六年四月爲民

王之棟

北直人吏部文選司主事養病二十六年四月爲民

韋國賢

福建人山東福山縣知縣二十六年七月爲民

萬建崑

江西南人 禮部祠祭司主事二十六年九月
爲民

吳定

河南人 大理寺卿二十六年十二月
爲民

華

鈺

南直人 湖廣荊州府推官二十七年八月
拿問三十二年九月
爲民

車任重

浙江人 海虞黃州府經歷二十七年八月
拿問三十二年九月
爲民

吳一元

南直人 江西星子縣知縣二十七年九月
爲民

韓

薰

陝西人 山西夏縣知縣二十八年正月
爲民

程

紹

山東人 吏科左給事中二十八年正月
爲民

羅大器

雲南人 北直永平府通判二十八年正月
爲民

謝廷讚

江西人 刑部浙江司主事二十八年三月
爲民

蔡如川

福建人雲南尋甸府知府二十八年四月
拿問三十二年九月爲民

甘學書

陝西人雲南趙州知州二十八年四月拿
問三十二年九月爲民

萬振孫

南直人湖廣副使二十八年七月爲民

王禹聲

南直人湖廣承天府知府二十八年七月
爲民

鄒光弼

江西人湖廣鍾祥縣知縣二十八年七月
爲民

杜承芳

北直人山東清平縣知縣二十八年八月
拿問三十二年九月爲民

王德完

四川人工科都給事中二十八年十一月
廷杖爲民

馮應京

南直人湖廣僉事二十九年三月拿問三
十二年九月爲民

邸宅

山西人湖廣襄陽府通判陝西南襄慶府
同知三十二年九月拿問三十二年九月

為民

何棟

如南直人湖廣襄陽府推官二十九年三月

卞孔時

四川人湖廣武昌府同知二十九年三月

馮從吾

陝西人河南道御史二十四年正月為民

張主敬

北直人兵部職方司郎中二十九年三月

甯時鏞

陝西人兵部職方司員外郎二十九年三月

桑學夔

山東人兵部職方司主事二十九年三月

王惟儉

河南人兵部職方司主事二十九年三月

馬崇謙

山西人山東按察使懷來兵備二十九年

南企仲

陝西人太僕寺卿三十年閏二月爲民

趙邦清

陝西人吏部稽勲司郎中三十年六月爲民

李

鴻

南直人江西上饒縣知縣三十年六月爲民

林

綜

福建人南直臨淮縣知縣三十年十二月爲民

于玉立

南直人刑部雲南司郎中三十一年十二月爲民

王士騏

南直人吏部稽勲司郎中三十一年十二月爲民

鮑應鰲

南直人禮部儀制司主事三十二年四月爲民

劉元珍

南直人南京兵部職方司郎中起復候補三十二年七月爲民

賀燦然

浙江人吏部驗封司員外郎三十三年七月爲民

龐時雍

山東人 兵部武庫司主事三十三年七月
爲民

李

材

江西人 撫治鄖陽右僉都御史十六年四月
月拿問二十一年六月謫戍

張應望

應天人 浙江烏程縣知縣二十二年十月
拿問二十三年三月謫戍

戴士衡

福建人 文科給事中二十六年五月謫戍

樊玉衡

湖廣人 南直全椒縣知縣二十六年五月
謫戍

遷謫官九十六員

鄒元標

江西人 吏科給事中十二年正月降南京
刑部照磨 歷陞本部廣西司郎中 丁憂

董基

山東人 刑部廣西司主事十二年五月降
萬全都司都事 歷陞南京大理寺右寺丞

丁憂

馬應圖

浙江入南京禮部精膳司郎中十三年八月降山西大同縣典史歷陞刑部陝西司主事養病

姜應麟

浙江人戶科給事中十四年二月降山西廣昌縣典史陞江西餘干縣知縣丁憂服滿到部

孫如法

浙江人刑部山西司主事十四年二月降東潮陽縣典史添註丁憂

諸壽賢

南直人觀政進士十四年七月革去冠帶回籍起可南陽府教授歷陞禮部儀制司主事養病

王德新

江西人刑部浙江司主事十五年三月爲民起補南京工部營繕司主事改光祿寺寺丞丁憂

李懋楨

福建人刑部廣東司員外郎十五年七月降湖廣按察司經歷歷陞禮部祠祭司主事丁憂

劉志選

浙江人刑部福建司主事十五年七月降福建福寧州判官陞南直合肥縣知縣致仕

饒

伸

江西人刑部雲南司主事十七年二月爲民起調南京吏部驗封司主事養病

高

桂

山東人禮部主客司郎中十七年三月降陝西中部縣知縣歷陞兵部武選司郎中養病

吳正志

南直人刑部山東司主事十七年十二月降陝西宜君縣典史歷陞禮部儀制司主事養病

胡克儉

河南人湖廣道御史十九年七月降湖廣
蕪水縣縣丞添註

于孔兼

南直人禮部儀制司郎中二十一年二月
降浙江安吉州判官添註

顧允成

南直人禮部儀制司主事二十一年二月
降河南光州判官添註

張納陞

南直人禮部儀制司主事二十一年二月
降河南鄧州判官添註

薛敷教

南直人國子監助教二十一年二月降河
南光州學正

顏文選

南直人南京戶科給事中二十一年三月
降浙江安慶司知事添註丁憂服滿到部

朱爵

北直人禮科右給事中二十一年八月降
山西按察司知事添註丁憂

楊應宿

陝西人戶部雲南司郎中二十一年閏十
一月降湖廣按察司經歷添註

高攀龍

南直人行人二十一年閏十一月降廣東
揭陽縣典史添註丁憂

章嘉禎

浙江人吏部稽勳司員外郎二十二年六月降廣州羅定州同知

逯中立

山東人兵科右給事中二十二年六月降陝西按察司知事

何喬遠

福建人禮部儀制司郎中二十二年六月降廣西布政司經歷添註

王象蒙

山東人江西道御史二十二年八月調外任用

張濤

湖廣人工科給事中二十二年十一月降山西廣靈縣典史添註

林材

福建人吏部都給事中二十二年十二月降廣東程鄉縣典史添註

袁惟慶

雲南人刑部江西司郎中二十三年三月降湖廣沅州學正

劉弘寶

福建人浙江右叅政二十三年四月以前任工科都給事中降廣惠來縣典史添註

丁憂

陳洪烈

河南人南京工料給事中二十三年四月降山西馬邑縣典史添註

周希聖

湖廣人山東道試御史二十三年五月降廣西灌陽縣典史添註

楊東明

河南人吏科都給事中二十三年五月降陝西布政司照磨添註丁憂

吳文梓

南直人兵科都給事中二十三年十二月降廣西崇善縣典史添註

韓范

山西人兵部武選司郎中二十三年十二月降陝西金縣典史添註

劉仕瞻

江西人兵科給事中二十三年十二月降福建漳州府知事添註

俞价

山東人河南道御史二十三年十二月降兩淮運司知事添註

強思

陝西人四川道御史二十三年十二月降長蘆運司知事添註丁憂服滿到部

江中信

山東人兵部武選司主事二十三年十二月降陝西葭州判官添註

程僖

陝西長安人兵部武選司主事二十三年十二月降四川雅州判官添註丁憂

陳楚產

湖廣人兵部武選司主事二十三年十二月降廣西鬱林州判官添註

錢焜

南直人兵部司務二十三年十二月降湖廣慈利縣訓導

夏之臣

南直人浙江道御史添註福建海澄縣典史添註

朱鳳翔

浙江人江西道御史二十三年十二月降廣東電白縣典史添註

涂喬遷

江西人山東道御史二十三年十二月降廣東新興縣典史添註丁憂

時偕行

南直人四川道御史二十三年十二月降廣東合浦縣典史添註

楊述中

四川人廣西道御史二十三年十二月降雲南太和縣典史添註丁憂

徐維濂

南直人刑部江西司主事二十四年正月降兩浙運判添註丁憂復除山東運判

林熙春

廣東人工科都給事中二十四年二月降湖廣茶陵州判官添註

鹿久徵

北直人江西道御史二十四年二月降山西澤州判官添註

王金星

河南人刑部四川司郎中二十四年二月降南直六安州同知

何出圖

河南人兵部職方司員外郎二十四年六月降陝西保安縣典史添註

郝名宦

陝西人兵部職方司主事二十四年六月降山西和順縣典史添註

王德光

四川人兵部職方司主事二十四年六月降陝西成縣典史添註丁憂

劉道亨

北直人吏科給事中二十六年三月降浙江樂清縣主簿添註丁憂

劉爲楫

順天八吏科都給事中二十六年五月降遼東苑馬寺主簿添註丁憂

張正學

四川人吏科給事中二十六年五月降貴州宣慰司經歷添註

董繼文

河南大刑部廣東司郎中二十六年十月
降南京大理寺左評事添註

熊鏞

江西人刑部廣東司員外郎二十六年十
月降南京大理寺右評事添註丁憂

沈聽之

河南人陝西長安縣知縣二十六年十月
拿問三十二年七月問明釋放

傅好禮

順天人提督四夷館太常寺少卿二十六
年十二月降山西廣昌縣典史添註

顧起淹

南直人江西臨江府知府二十七年二月
降福建延平府同知

包見捷

雲南人戶科都給事中二十七年閏四月
降貴州布政司都事添註

孫鉉

湖廣人山西潞安府知府二十七年六月
以前任戶部廣東司郎中降四川嘉定州

判官添註

胡士鰲

福建人山東青州府知府二十七年七月
降河東運同添註

燕祖召

湖廣人山東青州府同知二十七年七月降兩浙運副添註

萬自約

山西人順天府尹二十七年七月降兩浙運副添註

何天申

湖廣人順天府通判二十七年七月降南直無爲州判官

張九叙

陝西人順天府通判二十七年七月降湖廣澧州判官丁憂

張元芳

福建人順天府宛平縣縣丞二十七年七月降廣東布政司照磨添註

李商耕

四川人湖廣襄陽府知府二十七年九月降兩浙運司添註

黃龍光

江西人工部都水司主事二十七年十二月降貴州布政司經歷添註

夏 燠

浙江人刑部湖廣司郎中二十八年二月降貴州貴陽府通判添註

徐如珂

南直人刑部浙江司郎中二十八年三月降雲南布政司照磨添註

林曜

南直人刑部浙江司員外郎二十八年三月降廣西太平府經歷添註

王紹先

陝西人戶部四川司主事二十四年三月降山西代州同知添註

曹文緯

江西人刑部浙江司主事二十八年三月降貴州布政司照磨添註丁憂

程正誼

浙江人順天府府尹二十八年七月以原任四川左布政降一級用本月還降三級

調用

劉三才

陝西人四川右叅議二十八年七月降山西僉事致仕

焦元卿

山西人順天府香河縣知縣二十八年六月降陝西乾州判官添註

楊明盛

陝西人山東滋陽縣知縣二十八年七月降貴州新貴縣典史添註丁憂

許子偉

廣東人戶科左給事中二十八年十一月降貴州銅仁府經歷添註

表應春

陝西人 山西夏縣知縣 二十八年十二月

侯先春

南直州人 兵科都給事中 二十九年三月降

楊天民

山西人 禮科右給事中 二十九年五月降

王士昌

浙江人 禮科給事中 二十九年五月降

郭如星

河南人 吏科都給事中 二十九年九月降

陳維春

江西人 刑科右給事中 二十九年九月降

田廓

河南人 順天府昌平州知州 二十九年七月降

汪先岸

南直人 原任廣東道御史 陞四川參事 二十九年九月降

福建都事副斷 事添註

劉九經

陝西人山東道試御史三十年十月降兩浙運司知事添註

白瑜

北直人工科都給事中三十一年三月降三級調外任用

孫大祥

湖廣人北直易州知州陞南直淮安府同知三十二年三月降貴州按察司經歷添註

林彜漢

福建人浙江道御史三十三年二月降五級調極邊方用

周鐸

江西人雲南雲南府知府二十九年四月提問質明具奏

楊文煥

浙江人刑科給事中十八年十二月降廣東海陽縣典史添註

周弘禴

湖廣人尚寶司少卿二十年四月降廣東澄海縣典史添註

特舉任事真材及時起用以盡抱負疏

沈季文

河南巡撫都御史
萬曆三十六年二月

臣聞國家之事莫大乎戎務與吏治矣人臣居其位誰不當任其事但一則死生之關多退縮不前一則利害之交多苟且塞責自非真正豪傑誰肯挺身擔當無所顧忌所藉廟堂之上功罪明賢否核則在事者以見知而益勵旁觀者感發而思奮奈何有功之人竟以深文見誣執法之吏不免仇口中傷曾不如諛靡保祿之士無毀無譽優游歲月反能歷致通顯

又何樂爲國家出矣。乘無怪戎務自弛。吏治日弊也。
臣慨於中久矣。而惟部內適有如原任經理朝鮮右
都御史楊鎬。原任大同巡撫右僉都御史張悌。原任
巡撫浙江御史彭應參。原任江西提學僉事馬猶龍。
皆真正豪傑挺身任事者。而或遭擯黜。或遭物議。安
得不爲 陛下訟言之。當倭奴躪破朝鮮。兵連禍結。
者七年。樞臣誤聽宵人之謀。以封爲和。費國家金錢
數百萬。損士馬數十萬。曾不戮一倭。復一地。 皇上
赫然震怒。始 玉言。戰楊鎬。方備兵遼東。威名素著。廷

推經理時倭平南原王京陷在旦夕王京失則朝鮮復棄而遼左亦危鎬聞命卽行直抵王京去賊巢僅百餘里且王京頹垣廢壘毫不足恃朝鮮君臣膽落思走我之將士芻糧又未甚集鎬設方畧嚴號令遂能以寡擊衆反弱爲強連建稷山蔚山之捷使狡倭渡海朝鮮復光今且晏然八年臣以爲鎬之功亦甚奇矣乃師未旋而贊畫以他釁誣奏解職還里後叙功起用至今未有登之者夫使贊畫而卓然君子也則可使贊畫未盡愜於士林則其所排擊者果真

語可盡聽耶自古忠佞不竝立是非無兩可今乃槩
擯不用臣不能不爲鑄惜也征播之役督臣深謀確
算集三省文武將吏審會地要害山川八道竝進四
面攻圍謂旦夕就縛矣顧文吏與武吏之心不一巴
蜀與黔楚之心又不一兵環城下兩月不克釜中之
魚幾作迤押之虎於時張悌監理諸軍飛騎入營歎
血誓衆親桴鼓冒矢石不三日而連破三關登混龍
圍楊曾自縊播地悉平臣以爲悌之功亦甚偉矣乃
遷秩未幾煩言頓及雖當事者亮而不爲之撻而悌

之心迹尚未盡明道路流言尚未盡息且當時三省
監軍奉旨推用者迄今未用一人而悌以首功先
擢旋被蜚語人有烏盡弓藏之歎臣不能不爲悌惜
也此二臣者所謂有功之人以深文見詆者也彭應
參爲御史雅稱謇諤巡按浙江以鋤惡扶善爲已任
時有一二勢豪之家魚肉小民怨憤久積訴牘如山
應參與撫臣王汝訓志同道合除暴鋤強擒治悍奴
爲之申理正以奠安百姓一時豪右吞噬之風頓覺
少減至今士民感戴尸祝乃勢豪明律誑奏暗行錢

神應參竟被逮落職卽汝訓山斗重望亦因此廢棄而不復柄用是應參爲 皇上除強暴而反受強暴之害臣不能不爲應參惜也馬猶龍爲推官清慎明決譽冠一時以不聽給事中陳與郊囑託僅陞刑部主事會御史錢一本論劾前御史祝大舟多贓尚書李世達特舉猶龍往取卷案猶龍孤身兼程盡法而還令欲庇大舟者不得增損一字依律遣戍一時貪墨之風爲之警息尋擢督學師表赫然乃大舟之姻親在要津卒中以考功法而去公論其爲不平當時

工部郎中岳元聲卽上疏申救比年都御史溫純亦

條陳及之而尚未有雪其寃者是猶龍爲 皇上除

貪殘而反受貪殘之害 臣不能不爲猶龍惜也此二

臣者所謂執法之吏以仇口中傷者也夫國家有事

輒求任事之人乃任事如四臣者又以單詞摧殘若

此老馮陳於牖下姿趙蓋於草萊竊恐豪傑之士未

有不爲之解體者矣今天下巨室之虐焰時聞則何

可無應參之風功墨吏之苞苴接踵則何可無猶龍

之澄清邊塞之羽書旁午則何可無鎬愷之撻伐 臣

所以感時事而更不能不爲國家棄此諸臣惜也

臣

於四臣惟與張悌同官卅中且擊其功是實其謗是

虛餘三臣者從無半面之雅但旣爲臣部民地方人

材例當薦揚而臣謬叨臺列則伸寃理枉尤任風紀

者之責也是以不避瑣瀆備陳如此伏乞 勅下吏

部再加查訪如果 臣言不謬及時起用以盡其才不

惟諸臣拔擢困衡益且感激圖報使天下知建功執

法之賢縱衆忌羣咻而終有時顯將其志愈堅崇邪

誣正之輩縱虎口豺牙而終不得肆將其念漸悔裨

於戎務吏治世道人心均非淺淺矣內張悌守制服
闕行需大行楊鎬彭應參薦剡屢騰賜環有時惟馬
猶龍以大計註誤恐該部泥於舊例不知計典固不
可倖開然自來權奸所仇多借以行禁錮之術公論
旣明不妨破例如僉事管志道牴牾故相辛巳以大
計黜嗣仍擢用公論甚快其出而恨其用之未究猶
龍事體正與相同且士人立朝一經詐籍衆所共棄
獨猶龍者公論喧囂人人稱屈不特本省撫按每次
復命每次列薦也語在山東時見山東撫臣黃克

續爲言猶龍奉勅之時克續爲贛州守目繫其事極稱其清正執法極憐其無罪見放臣心識之及臣與在野諸臣如越南星顧憲成鄒元標等泛論海內人物諸臣無一人不首推猶龍者夫南星等非當世正人君子之領袖心懷道義口吐衡鑑真心爲天下國家而不肯輕試一語之譽以阿私所好者耶正人之所與實公論之所歸臣叨守土不言誰當言者所亟應破例一體起用者也至於海內任事真材如四臣者不少臣境內不敢濫及是在聖明推廣而已